

Upravni odbor JU Centar za socijalni rad Kakanj, na osnovu člana 27. i 29. Zakona o ustanovama ("Sl. list RBiH", br. 6/92, 8/93 i 13/94), člana 5., 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 34/03, 65/13), člana 34. i 40. Pravila JU Centar za socijalni rad Kakanj od 11.07.2014. godine i Odluke Upravnog odbora o raspisivanju Konkursa za izbor i imenovanje direktora JU Centar za socijalni rad Kakanj, br. 01-05-3-1577/2017 od 12.09.2017. godine, raspisuje

KONKURS

za izbor i imenovanje direktora JU Centar za socijalni rad Kakanj

I.

Upravni odbor JU Centar za socijalni rad Kakanj, raspisuje Konkurs za izbor i imenovanje Direktora JU Centar za socijalni rad Kakanj.

Imenovanje se vrši na period od 4 (četiri) godine sa mogućnošću ponovnog izbora u skladu sa zakonom.

II.

Opis pozicije

- organizuje i rukovodi radom Centra,
- zastupa i predstavlja Centar prema trećim licima i odgovoran je za zakonitost rada Centra,
- predlaže Upravnom odboru mjere za zakonito i efikasno obavljanje djelatnosti radi kojih je Centar osnovan,
- predlaže unutrašnju organizaciju i sistematizaciju radnih mjesta,
- predlaže osnove planova rada i razvoja,
- izvršava odluke Upravnog odbora,
- odlučuje o pravima, obavezama i odgovornosti zaposlenika iz radnog odnosa,
- podnosi Upravnom odboru izvještaj o finansijskom poslovanju,
- podnosi polugodišnje i godišnje izvještaje o poslovanju,
- odlučuje o korištenju finansijskih sredstava do iznosa od 1.000,00 KM (hiljadu KM),
- vrši i druge poslove u skladu sa zakonom i ovim Pravilima Centra.

III.

Kandidati koji apliciraju za direktora moraju ispunjavati sljedeće opće uslove:

- a) da su državljanin Bosne i Hercegovine,
- b) da su stariji od 18 godina,
- c) da su zdravstveno sposobni za obavljanje poslova na koje se kandidiraju,
- d) da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja ove upraviteljske pozicije,
- e) da nisu pod optužnicom Međunarodnog suda za ratne zločine (član IX.1. Ustava Bosne i Hercegovine),
- f) da nisu na funkciji u političkoj stranci,
- g) da nisu članovi organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", 16/02, 12/04, 63/08 i 18/12) i Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine BiH", br. 70/08),
- h) da nemaju privatni finansijski interes u Ustanovi u kojoj se kandiduju,
- i) da nisu osuđivani za krivično djelo i prekršaj nesposojiv sa funkcijom direktora, u roku od 5 (pet) godina od dana pravosnažnosti presude, isključujući vrijeme zatvorske kazne,
- j) da nisu lica kojima je pravosnažnom presudom suda zabranjeno obavljanje aktivnosti u Ustanovi u kojoj se kandiduje.

IV.

Kandidati koji apliciraju za direktora moraju ispunjavati sljedeće posebne uslove:

- a) VSS - VII stepen stručne spreme odnosno visoko obrazovanje prvog ciklusa (koji se vrednuje s 240 ECTS bodova), drugog ili trećeg ciklusa Bolonjskog sistema studiranja društvenog smjera, diploma visokog obrazovanja (1. Fakultet političkih nauka - Odsjek za socijalni rad, 2. Pravni fakultet ili drugi fakultet društvenog smjera),
- b) 5 (pet) godina radnog staža u struci nakon sticanja visoke stručne spreme, odnosno visokog obrazovanja,
- c) da nisu članovi upravnog ili nadzornog odbora u više od jednog pravnog subjekta,
- d) ostvareni rezultati rada tokom predhodnog radnog angažmana,
- e) komunikativne i kreativne sposobnosti za savjesno, odgovorno i odlučno obavljanje poslova direktora,
- f) sposobnost prilagodljivosti timskom radu,
- g) sposobnost nepristrasnog donošenja odluka,
- h) sposobnost tumačenja ekonomskih i pravnih analiza i propisa,
- i) preporuke ranijih neposrednih rukovodilaca,

- j) poželjno poznavanje stranog jezika.

V.

Kao dokaz o ispunjavanju uslova iz konkursa, kandidati su uz prijavu na Konkurs, dužni priložiti u originalu ili ovjerenoj kopiji sljedeću dokumentaciju:

1. biografija, adresa i kontakti telefon,
2. uvjerenje o državljanstvu (ne starije od 6 (šest) mjeseci),
3. Izvod iz matične knjige rođenih (ako na obrascu nema naznake da su bez roka važenja, isti ne mogu biti stariji od 6 mjeseci),
4. dokaz o završenju stručnoj spremi,
5. CIPS-ovo obavještanje o prijavi protivvališta,
6. potvrdu ili uvjerenje o potrebnom radnom stažu,
7. uvjerenje da nisu osuđivani za krivično djelo i prekršaj nesposojiv sa funkcijom direktora, u roku od 5 (pet) godina od dana pravosnažnosti presude, isključujući vrijeme zatvorske kazne,
8. uvjerenje da nisu lica kojima je pravosnažnom presudom suda zabranjeno obavljanje aktivnosti u Ustanovi u kojoj se kandiduje,
9. ovjerene izjave kojima se dokazuju opći uslovi (tačke d, e, f, g, h) i kojima se dokazuje poseban uslov (tačka c).

Napomena:

Kandidati nisu dužni da u konkursnoj dokumentaciji dostave dokaz o zdravstvenoj sposobnosti za obavljanje poslova na koje se kandidiraju (jelikršno uvjerenje), taj dokaz će prihvatiti i dostaviti samo izabrani kandidat.

Sve izjave moraju biti ovjerene kod nadležnog organa.

VI.

Konkurs za podnošenje prijava ostaje otvoren 15 (petnaest) dana od dana objavljivanja konkursa i računa se od dana posljednjeg objavljivanja konkursa.

Podnosioci prijava sa kojima se ne stupa u kontakt u roku od 8 dana od isteka roka za podnošenje prijava neće biti uzeti u razmatranje u daljem procesu imenovanja.

Kandidati koji budu uvršteni u uži izbor bit će pozvani na intervju pred Upravni odbor.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Direktora Centra imenuje Upravni odbor JU Centar za socijalni rad Kakanj, uz saglasnost općinskog vijeća.

Nakon davanja saglasnosti općinskog vijeća na odluku Upravnog odbora o imenovanju direktora, odluka o imenovanju direktora se objavljuje u "Službenim novinama FBiH" i "Službenim novinama Općine Kakanj".

Sve informacije u toku postupka kandidovanja su transparentne, osim ličnih podataka podnosioca prijava koji su tajni i mogu se prikupljati i obrađivati samo u skladu odredbama Zakona o zaštiti ličnih podataka BiH ("Službeni glasnik BiH", br. 49/06, 76/11 i 89/11).

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 34/03, 65/13) ili postupci nisu ispoštovani, bilo koja zainteresirana stranka može podnijeti prigovor na konačno imenovanje u skladu s odredbama Zakona o ministarskim, vladinim i drugim imenovanjima Federacije Bosne i Hercegovine.

Prigovor se podnosi Upravnom odboru, a kopija se dostavlja Ombudsmenu za ljudska prava Bosne i Hercegovine.

Konkurs će biti objavljen u Službenim novinama Federacije Bosne i Hercegovine i Dnevnom listu "Oslobođenje".

Prijave sa traženim dokumentima i kraćom biografijom potrebno je dostaviti lično ili preporučenom poštom na adresu:

JU Centar za socijalni rad Kakanj

Ul. 309. Brdske brigade br.15

Kakanj 72240

Na koverti naznačiti: "Prijava na Konkurs za direktora

- NE OTVARATI."

Neblagovremene i nepotpune prijave neće se uzeti u razmatranje.